

C A I B. XXI.

uile na tairneanaich, agus na dealanaich, agus fuaim na trompaid, agus an sliabh fa dheartaich^a: agus an uair a chunnaic an sluagh sin, ghluais iad, agus sheas iad fad' o làimh^b.

19 Agus thubhairt iad re Maois, Labhair thusa ruinn, agus éisidh sinn: ach na labhradh Dia ruinn, an t-eagal gu'm faigh sinn bàs.

20 Agus thubhairt Maois ris an t-sluagh, Na biodh eagal oirbh, oir is ann a chum bhur dearbhadh a thàinig Dia, agus a chum gu'm bi eagal-san oirbh^c, air chor as nach peacaich sibh.

21 Agus sheas an sluagh fad' o làimh, agus thàinig Maois am fagus do'n dorchadas, far an robh Dia.

22 Agus thubhairt an Tigh-earna re Maois, Mar fo their thu re cloinn Israeil, Chunnaic sibh gu'n do labhair mi ribh o na nèamhaibh.

23 Cha dean sibh maille rium-sa dée airgid, agus dée òir cha dean sibh dhuibh féin.

24 Altair do thalamh ni thu dhomhsa, agus iobraidh tu oirre do thabhartais-loisgte, agus do thabhartais-sith, do chao-raich, agus do dhaimh^d: anns gach àite 'san d'thoir mise fa'-near gu'n cuimhnichear m'ainm, thig mi a d' ionnfuidh, agus beannaichidh mi thu.

25 Agus ma ni thu altair chloiche dhomh, cha tog thu i be cloich fhnaidhte; oir ma thogas tu d'inneal-fnaidhidh suas oirre, truaillidh tu i.

26 Ni mò théid thu suas air

ceumaibh a dh'ionnfuidh m'altarach, a chum nach leigear ris do lomnochduigh^e oirre.

C A I B. XXI.

ANIS is iad so na breitheanais a chuireas tu rompa.

2 Ma cheannaicheas tu òglach^f Eabhruidheach, fè bliadhna ni e feirbhis; agus 'fan t-feachdamh théid e mach saor a nasguidh.

3 Ma's ann a mbàin leis féin a thàinig e steach, leis féin théid e mach; ma bha bean aige, théid mar an ceudna a bhean a mach maille ris.

4 Ma thug a mhaighstir dha bean, agus gu'n d'rug i dha mic, no nigheana; bithidh a' bhean agus a clann aig a maighstir, agus théid efan a mach leis féin.

5 Ach ma their an t-òglach gu cinnteach, Is toigh leam mo mhaighstir^g, mo bhean, agus mo chlann, cha d'théid mi mach saor:

6 'An sin bheir a mhaighstir e chum nam breitheamhna; bheir e mar an ceudna chum an doruis e, no chum urfainn'an doruis, agus tollaidh a mhaighstir a chluas le minidh, agus ni e feirbhis dha gu brath.

7 Agus ma reiceas^h duine a nighean gu bhi 'na ban-oglaich, cha d'théid i mach mar a théid na h-òglaich.

8 Mur taitinn i r'a maighstir, a rinn ceangal-pòlaidh ria, 'an sin bheir e fa'near gu'm fuasgailear i: re cinneach coimheach cha bhi comas aige a reiceadh, do bhrì' gun do bhuin e gu cealgach ria.

9 Agus ma cheangail e r'a

mhac

^a ag smùidrich.

^b fad' as, fad' air astar.

^c air bhur gnùis. Eabh.

^d do bhuar.

^e do dhiomhsaireachd.

^f feirbhiseach, tràill, daorfanach.

^g Tha gràdh agam air mo mhaighstir.

^h chreiceas.

ⁱ ban-tràill.